

中國地方志集成

江蘇府縣志輯 (63)


民國
邳
志
補

咸國
邳
州
志

民國
邳
縣
志

江蘇古籍出版社 ● 上海書店 ● 巴蜀書社

民國沛縣志



于書雲 纂修
趙錫蕃

本書十六卷，據民國九年（一九二〇）上海商務印書館鉛印本影印。

續修沛縣志序

縣之有志所以網羅散佚保存文獻備一代之志
乘資後人之觀感者也沛邑志書自乾隆四年知
縣事李公棠重修後迄今已一百八十九年中間
或削稿已成因事輒止或設局編纂又以官去而
輟迨至改革以後土匪陷城稿本喪失將使吾沛
之典章文物與夫忠孝貞廉之瑰節軼行盡隨淪
胥以沒此不惟邑人士之羞抑亦官斯土者之責
也余自民國三年蒞沛正值匪徒滋擾之後彫瘵

沛縣志序

未蘇瘡痍滿目有續修之願而未能舉六七年來
仰承

省道長官之訓誨兼賴邦人君子之贊助得以漸
次削平醜類輯綏民生迄今市井復業耕鑿無恙
殊始願所不及乃召集城鄉紳董籌款開局續修
縣志延邑紳趙君晉三董其事廣爲蒐輯旋輾轉
覓得舊日抄本亥豕魯魚幾經讎校於其是者因
之略者詳之疑者漏者則闕之補之其徵訪在光
緒志稿後自己丑迄戊午者爲時較近採擇益求

核實事迹年代斷至宣統三年民國建元另行紀
載以示區別而此一百八十九年中凡吾沛疆域
沿革之要山川人物之美以及文章功業操行節
義之流傳人口者胥於是乎大備後之覽者憬然
於兵燹之餘休養匪易各安耕作以漸遂其生機
爭自濯磨以日趨於善路俾吾沛人才事業隨文
明進化之潮流循底於極軌是又余之所深企也
夫

中華民國九年歲次庚申夏六月一日簡任職存

沛縣志序

記署沛縣知事武城于書雲序

續修沛縣志序

沛志之待修久矣無論明景泰舊本銷沉於兵燹水火泯焉無足徵卽乾隆志書亦幾經搜索僅有存者光緒續修之稿修而未刊且散而無存至乞靈於外人始得抄本而魯魚滋甚難卒讀沛人之於沛事直如數典而忘祖又如椎魯蒙患之子瞠乎不能道己家事吁可慨已民國三年武城于公祥五知縣事時值萑苻徧野烽警迭聞經年督捕地方恊就安堵聽政之暇每邀集錫蕃及各法團

沛縣志序

於公解議緩急事倡言曰主人家而不能道家珍數米鹽則家事弗能修入人國而不能話子姓誦昭穆則國事弗能理百里之邑萬姓之民不能明變遷辨風俗則邑事無所戒備不鑒不備不患不悚古人編年紀事此物此志也沛志雖抱殘守闕已久然究有殘闕之可尋及今不修何以示後且後之視今猶今之視昔亡羊補牢寧爲過晚諸君子盍急圖之錫蕃既謹于公之論復經各法團公舉任編輯事自愧學植未立知識暗昧何以稱此

沛縣志序

卽網羅散佚補綴後聞亦恐文體之不純筆力之弗任賴張君星濤李君鏡甫等皆文學士相助爲理更延聘魚邑李其卜先生主任讎校就舊日抄本正其誤詳其略疑不敢補者則從闕光緒後爲時較近徵訪尙易勉爲補輯年代則斷至宣統三年民國紀元以後則另行紀載名爲民國新志舊日圖說亦測繪而更正之共成十八篇彙爲七卷稿成復質之于公與各法團僉曰斯可矣如舉家珍而數米鹽矣如話子姓而誦昭穆矣可以明變遷辨風俗而有所戒備矣覺漢祖龍興風雲際會奇偉震撼之氣去人未遠如名儒名宦文章事業焜耀照人以及獨行節義可泣可歌可驚可愕之情狀靡不奕奕然撲人眉宇後之學者讀其書論其世審其志興觀羣怨其在斯乎其在斯乎謀急付刊印毋延滯夫唐虞三代地志之書掌之太史故禹貢紀山水物產周公職方增以穀畜男女之數漢承周制郡國圖籍上之太史後改國史之例爲郡縣之書州縣利病專賴圖志前賢著作彰彰

可考則圖志一書若何鄭重如鰕淺之續述寧敢妄擬令典惟餽羊之供孔子惜焉不得不探纂前錄敬貢後學則是書也作梯古之階汲古之綆不至瞠乎莫能道貽椎魯蒙患之誚也幸矣是爲序
中華民國九年歲次庚申冬至前二日趙錫藩晉三序

沛縣志序

三

光緒舊志序

不佞宰睢寧四年既與丁酉同學博輯有志藝付梓矣己丑春量移沛縣沛爲徐州北鄙齊魯滕曹交錯之地毗連豐碭銅蕭自昔人物俊偉照耀寰區覽川原之潏潏湖河之浩瀚猶想見古豪傑奮興之地乃遷流至今胡異於古所云也况屢遭河患城邑遷徙靡定由栖山移還舊治比三十餘年流亡雖復文物蕩然問沛宮泗亭歌風臺遺址猶有存焉者乎樊巷煙迷虬城月冷宰斯土者寧不憮然查閱舊志尙係乾隆四年邑侯李公棠所纂遷延百五十餘年其間散佚亦已多矣適逢今巡撫長白剛公檄飭各屬呈獻志書如無書可呈及時編纂以備查考夫表揚節義發潛閭幽有司責也而信今傳後俾一方掌故不至湮沒無聞亦生於斯長

沛縣志序

於斯者所深願也不揣固陋復延丁酉剛陶平如學博暨幕中諸君共勳贊其事都人士采訪故實蒐輯維勤越十閱月全書告蒞咸欣然走相告曰不圖今日復睹文獻之存也夫修志之義例林立簡者不可不簡詳者不可不詳惟擇其善者從之折衷貴當是編大致以質實爲主其無據之談概從闕如一切凡例謹遵欽定四庫全書總目提要經睿裁論定者以準從違間有選用他志之佳者亦分別列於簡端或得或失識者自能辨之茲不贅述云
光緒十六年庚寅立春日特授徐州府睢寧縣調署沛縣知縣桂林侯紹瀛撰

乾隆舊志序

沛有志始前明景泰時邑令武昌古公嘉靖時永年王公重輯更五十餘年彭山羅公加輯於萬歷丙申越一紀永寧李公更加纂訂迄我朝百餘年矣邑境窪下數罹水患遷復靡常卽漫漶之舊版亦無從徵覓古今政蹟無可稽前賢芳躅無可考疆境分合與廢屬隸及賦役物產利弊均莫能求其確實余忝承乏是邑三載每思訪諸前令舊本詳加補輯付剞劂氏匆匆未遑也然沛當曹滕齊魯之衝接壤古豫屬禹貢徐州漢祖龍興以來爲用武之地瀕大河屢汨於水民貧而土瘠撫綏最難宰是邑者非參之古酌之今得其情宜其俗其能免於咎戾歟是志之修又必不容緩者況欣逢我聖天子重熙累洽文治光於率土凡省會郡州縣志無沛縣志序

不煥然一新成千古大一統之盛沛雖蕞爾詎遂無紀載耶乾隆二年春集紳士於巖宮而議之衆皆踴躍鼓舞議即日定乃請於各憲允行余幼不敏慧學殖未充鹿鹿簿書間覆餗是懼何敢及筆墨事但奉先人遺訓叨蒞一方其紀載勸懲大端固不敢以謏劣諉忠孝節義凡增一人必集輿論以定郵致郡博合肥田君編纂之田君起家庚戌與余家兄弟輩爲同年素稔其閎通是以相屬慎之又慎也增者庶幾無遺芳乎無溢美乎至舊志所錄未嘗刪汰一人而繁句冗字則商之田君而芟之文取其簡也梓將竣適余有修城之役田君亦奉檄鄉閭遂停止延至今秋書始就而余自甫至沛時數年之願獲酬焉雖然采訪或有未徧湮沒或有未彰荒煙蔓草之墟或多未歷殘碣斷碑之文或多未讀事經兩


甲子兵燹水患中不可考者未能綜括之於一旦而纖毫無漏是則余之責也邑人士之覽是書者舉所遺以告得以補載是余之所深幸也夫是余之所深望也夫

清乾隆五年秋八月望日勅授文林郎江南徐州府沛縣知縣海陽李棠謨


沛縣志序




文廟圖




沛縣公署圖




沛縣警察所圖




沛縣地方公產公款處理處圖




沛縣商務會館圖




沛縣農會圖




沛縣縣立教育會圖




沛縣勸學所全圖



沛縣第五國民學校及公園圖



沛縣體育場圖



沛縣第一中學及試驗場圖




圖 宿 嶺 縣 沛




圖 苗 縣 沛





圖 房 營 巷 家 馬



沛縣志

凡例

一元和郡縣志爲古今地志之濫觴而乾道臨安志又爲州縣紀叙之原始元明以來邑乘極多其卓卓可傳者惟韓汝慶之朝邑縣志康對山之武功縣志筆墨雖佳而紀載太簡武功縣併學校於建置中識者均有遺議有清一代府廳州縣各有紀略分合增減互相參差迨四庫全書總目提要出折衷定論至爲允當自是修志書者翕然遵循此志於提要之以爲是者則悉奉爲準於提要之以爲非者則改易之以昭大同

一此志十六門悉依明唐樞湖州府志分土地政事人民三大綱而次第別爲條目封域城郭非圖不明故首圖說疆域離合今

沛縣志 凡例

古各別知各朝之郡縣人物掌故始不致於歧訛故次沿革紀事實字分明政事方有定準故次疆域沛邑黃河舊爲鉅患城邑之徙移陵谷之變遷俱緣黃水淤墊惟千古不移者山岳川瀆縱有改流峰麓終爲憑藉故次河防山川城署倉廩具徵官府締造故次建置故宅荒邱訪舊者藉資考鏡故次古蹟其統於土地者有如此政事之極要者莫如尊師重道故學校次之師儒之講貫著作成書故藝文次之而建邦設邑文事與武略兼修故武備次之地方之整頓視乎官師之措施故秩官次之致邦國之用者在則壤成賦故田賦次之額俸掄材政之大典分榜設科首在求賢故選舉又次之此均統於政事者也由是以次人民助業文章彪炳史乘忠孝仁壽獎勵鄉閭人物殊品

分登焉而藉振懦頌節烈清貞人崇閭閻賢孝淑婉邑號女宗列女流芳廣搜焉而攸關風化蓋人民中之翹焉特異者也此外土地不能統政事不能入而紀載又非人民可以兼攝則併入志餘以補其闕湖團舊係流寄光緒末年始入沛籍然田廬書院久定成規忠孝節烈亦蒙旌典自應以湖團志納之以從其朔至佔籍後所有事迹悉載入沛志庶分合各有其道存焉一乾隆舊志域圖繪者固非精手然亦時代所限後人又烏可厚非光緒志圖板既無存抄本又缺縣中所存清鄉圖略可師仿然亦舛錯疊見諸有未合茲經分區更正凡村集之距離城鄉之部位無不攷查詳明度例精確共爲圖十八張有總有分總以舉其全分以見其細而河流路線并詳列之庶覽者執圖尋

沛縣志 凡例

徑不致徘徊於道路云

一沛縣疆界伊古以來分合靡定廣狹攸殊而自黃水淤高城邑屢遷此志悉遵近今疆界而遠溯歷朝封域或一縣而割爲數邑贏縮不齊或一地而疊改舊名古今屢易均於歷代史書地理州郡志悉心稽考復旁究鄆道元水經注魏王泰括地志元和郡縣志太平寰宇記春秋杜注胡氏禹貢錐指李中書地理韻編顧亭林郡國利病書范祖禹地輿紀要等書反覆研稽實事求是其有地名本隸他邑者辨別焉以訂其譌或有郡名併屬兩縣者分半焉以定其界爲沿革表管蠡之識是否有當尙望博雅匡其訛舛

一沿革門縣名下均以歷代史書地志記載按照各代事實時政

叙錄而援引書籍亦擇各朝輿地記爲準卽如一薛國而夏商周封建不同一留國而虞殷周經史互異唐代引書以元和郡縣志所載爲案宋代引書以太平寰宇記所存爲準庶幾周不能移之漢漢不能移之唐學者藉各朝之輿記庶知歷代之變遷

一本縣封疆時立時廢載於史冊者固昭然若揭也而累朝之政治歷代之兵革終古之災祥一邑之事蹟實覘各代之設施另立專條不惟門類繁多且慮事端複沓茲將各條於沿革門按年紀載庶讀者循序稽查藉知各朝故事

一星野因疆域而殊歧星野於疆域外者未免懸空罔據茲列星野於疆域中將歷代史書以次臚列占星者藉知地方之災異

沛縣志 凡例

而風俗物產每因疆域而分類兼收地方之奢儉都邑之盛衰胥於此焉繫之

一山川例有專門沛邑山阜不多而古時水道又爲黃水淤塞蓄洩疏濬無關緊要不必特立專門惟自宋以來黃河南徙潰決之害沛邑屢當其衝隄防之修廢城鄉之安危繫焉此志於豫東隄岸決口有關於沛邑者分年紀載隨時檢閱知山川開堰昭陽湖均因黃河改變創立故以次附載

一沛邑城垣公署因河決而屢遷宅里廟壇經沙淤而難攷建置古蹟兩門訪古者不免有桑田滄海之感焉然地雖改變而古制未可聽其淪亡此志於建置一門必舊與新備載卽如倉庾公署本在舊城及乾隆四十六年黃河冲沒徙於栖山又因咸

豐元年豐隄漫口栖山之衙署城池悉行淤沒移駐夏鎮復於咸豐十一年距舊城南門里許建築土圩由夏鎮仍還舊治循迹紀叙蓋不忘其初之義也他條仿此古蹟之中宅里亭臺寺觀邱墓各迹所存無幾然亦詳悉叙載庶好古者藉資攷證一學校爲尊師之地自須特立專門未便統入建置惟沛邑學宮屢經遷圮而立學湖租亦係新撥此志於歷次遷學源流分時彙載併以各碑記附載學宮庶歷任官師創造之精心不致淪沒歌風書院爲多士會課之區改建章程固當備紀而義學學田書院田亦併詳叙其建設之鄉及撥給原委庶日久檢冊稽查經管者不難整頓

沛縣志 凡例

一在祀典者如文昌祠關帝祠城隍廟火星廟大王廟先農壇劉猛將軍祠均列於壇廟此外如先賢閔子祠卜子祠顏公祠以及二郎五岳等廟悉列於古蹟稍事區別而浮屠寺觀得併載焉

一歷來藝文一門多將廟宇碑碣及名流詩歌彙載一處殊欠裁制自康對山武功縣志出記傳詠歌散附各門自是修邑乘者藝文一門均仿史書僅載書目四庫全書總目提要又議其太簡沛邑漢朝經學各有師承而唐代之劉希仁明朝之閻用卿輩等身著作彪炳儒林有清一代人才輩出間有專集此志搜羅全集每人俱以小傳叙明著書體要詩集彙摘錄警句數韻以見一斑

一著述各家及官績人物俱錄已故之人庶有園範現存之人概

不選錄以符史例其建置古蹟山川學校各門或附今人記說
詠歌係因叙事而採及俾典物之原委因是而明非記其人也
一秩官駐劄本邑者俱分文職武職按年編入其功德治績即散
附本冊之次觀其設施與當時之輿論足以知其人之賢明毋
庸別出官績近年邳州志深水志俱此例也沛邑由漢迄元名
宦極多依代敘列不分爵秩自明分職紀載其姓氏不可攷者
概從闕如而勳烈卓卓者卽臚叙之以資觀感

一則壤成賦歲有常經而雜稅攤徵亦成定額惟湖田淤涸隨時
變更未便據爲常例而大河北徙涸出之地東民佔種生聚日
繁謂之湖團歲納租息以爲徐防經費至光緒末年始行升科
茲并志其原委沛邑賦役戶口因黃水爲災代有遷移此志額

沛縣志 凡例

五

賦人丁悉以清代爲定而倉儲鹽法保甲均依次附載以存時
政

一沛邑選舉古代難稽科名之興紀自明代而恩拔歲副各貢挨
次紀叙以見人材之盛文階武秩具徵鄉宦勛猷顯爵飲賓同
仰一時人望分門臚列均出類拔萃之英也

一沛邑人物甲於他邦漢初帝王將相乘運而興成哀之世人才
蔚起一時如施雠高相蔡千秋鄧彭祖等俱以經學名家卽隋
代之劉行本元朝之韓公衡俱屬一時物望此志於古人之有
本傳者據實登載而近今卓行奇忠名儒高隱以及技藝釋老
亦採訪敘錄人品之萃集俱徵地方之鍾毓焉

一此志門類悉依光緒侯志舊稿略無更動亦兼有一二移易增

減處類如顏公祠朱公祠舊列學宮門內殊與體例不合茲爲
移置祠廟門內庶部位較清武備舊志敘述歷代兵制多係轉
錄府志闕泛太甚茲爲刪除至清代悉爲存留以昭核實而備
掌故又學堂始於清季稅賦略於前代茲爲分類增補以見古
今異制也

一侯志修於光緒十五年刊而未完因故停止嗣經變亂舊稿失
存今所據者係由法教會中轉抄之本魯亥豕觸目皆是顛
倒錯亂不堪卒讀茲經逐條較對凡關於史傳及有紀載可尋
者則檢據原書核正俾復廬山真面其絕無書籍可查者則將
其一二錯誤處注明缺空不敢妄爲塗改以從疑以傳疑之例
一此志事迹年代悉依省志條例叙至宣統三年止所以存舊典

沛縣志 凡例

六

也辛亥以後共和肇興新政既繁變更亦夥自應另行紀載於
舊志劃分鴻溝